

Sta Sera

Sta sera cresce in mè
A voglia d'avetti a fiancu
Di stami solu cun tè
Di scurdami ch'eo so stancu

Sta sera brusgia in mè
A fiamma di a speranza
Sta sera ti vogliu dì
Mi pesa a to assenza

Sta sera cresce in mè
L'amore ch'eo ti piattu
Sta sera ti vogliu dì
Chì pensu à te à l'appiattu

Sta sera vogliu lascià
U versu u più inchietu
Vuleria fà sapè
Ti tengu caru in secretu

Sta sera vogliu lampà
L'ultima chjama d'amore
Ch'ùn possu più suppurtà
D'ùn sente u to calore